



## **Universitätsbibliothek Paderborn**

**De Ervditione Religiosorvm**

**Humbertus <de Romanis>**

**Ingolstadii, 1591**

**VD16 H 5888**

49. Quomodo contemplatiuus in sua contemplatione debet tribus modis  
ascendere, secundum vitam & passionem Domini.

[urn:nbn:de:hbz:466:1-50980](#)

futura, & humanorum cordium occulta sine raptu, & absque alienatione à sensibus. Tertia scilicet mentis alienatio siue raptus fit, vel propter deuotionis excessum ex feruentissimo Dei amore prouenientem; vel propter nimium stuporem super aliqua re, qua videtur homini valde admirabilis, vel propter magnitudinem delectationis & gaudij: quod concipimus de aliquo beneficio intra nosmetipso ex Dei speciali gratia recepto. Et vltius secundum prædictum Doctorem aduertendum, quod contemplatiuus sentiens se in sua contemplatione frigidum, debet se spirituali arte calefacere, ut queat contemplando citius ad Deum ascendere, accipiens aliquam materiam deuotionis seu fervoris excitatiuam, secundum quod superius diximus in meditationibus illarum trium viarū, scilicet purgatiuæ, illuminatiuæ, & ynitiuæ. Sed quia vt supra diximus secundum illum seraphicum Doctorem eximum Bonauenturam: ostium per quod est ingressus ad contemplationem, est vita & passio Domini nostri Iesu Christi: & qui aliunde voluerit introire, ipse se fallit: dicemus hic in quodam Compendio de vita Domini usque ad coenam.

QUOMODO CONTEMPLATIVVS DEbet ascendere in sua contemplatione tribus modis  
secundum vitam, & passionem  
Domini.

## CAPVT XLIX.

**S**CIRE debes quod Christus Iesus Deus & homo Dei & hominum mediator, ipse est via per

per quam ad diuinitatis notitiam simul & amorem debes ascendere. secundum enim Augustinum septimo Confessionum, ad hoc Christus carnem assumpsit, ut qui Deum spiritualiter intelligere non potuimus, per Christum verbum caro factum, ascenderemus ad notitiam & amorem spiritualem. In Christi ergo vita & morte constitue tibi triplicem contemplationis modum per deuota exercitia.

Prima contemplatio fit, ut affectu quodam dulci, & affectu cordiali, licet quodammodo carnali Christo adhæreas, Christum comiteris iugiter; circa Christi vitam & mortem affectatus, & eius præsentia & recordatione in tuis exercitiis delectatus. In hac prima ascensione, vel primo affectu, potes diuersimodè tuum exercitium variare, sicut Christum in vita multi diuersimodè allecti, id est diuersis intentionibus sequebantur. Apostoli enim primo eum sequabantur sola eius præsentia delectati, eius colloquio recreati, eius dulcedine & affabilitate attracti. Et tu etiam primo hoc modo sequere Christum, esto in eius comitatu. Cogita quam fuerit eius præsentia dulcis; cogita corporis elegantiam, & speciositatem: nam erat speciosus forma præ filiis hominum. Attende suaves eius sermones, & dulcissimam doctrinam, & modum quo in omnibus se habuit, quam dulciter & benigne verba illa melliflua protulit. Attende modum quo interius se habuit, quia ab intramitis, benignus, & suavis. Attende in eo sensum maturum, aspectum venustum. Cogita in Christo profundissimam sapientiam in corde, venustis-

nustissimam eloquentiam in ore, optimam mon-  
rum dispositionem: & hoc modo Apostoli eum  
sequebantur: alij Christum sequebantur, vt eo-  
rum curaret infirmitates. sequere & tu eum in-  
terdum hoc modo, & humiliter postratus ado-  
ra eum, dicens: Domine si vis, potes me munda-  
re. Vel; Iesu fili Dauid miserere mei.

Quidam sequebantur eum propter miracu-  
la eius, & tu mirare potentiam eius in miraculis,  
naturam enim mutat, elementa commutat, de-  
monstrationes fugat, omnemq; languorem cu-  
rat. In his poteris eum cognoscere esse Deum,  
qui naturæ suos in primordio indidit effectus  
naturales: salua sibi semper in omnibus obedi-  
entia, etiam ad effectus supernaturales produ-  
cendos. Et similibus modis potes variare exer-  
citium, & affectum in hac prima contempla-  
tione.

Sed aduerte quòd licet hæc exercitatio per-  
sonæ spirituali satis utilis sit, scilicet occupare se  
circa mores, & gestus Iesu Christi Domini no-  
stri, tamen quantum ad ascensum ad eius amo-  
rem non sufficit: immo per se parum prodest.  
Quid profuit Iudæ, Pilato, Herodi, vel Pha-  
risæis quòd Christi mores vel gestus aut præsen-  
tiā corporalem viderunt, qui eum imitari no-  
luerunt? Terminus igitur huius primi modi  
contemplandi vitam & passionem Domini, se-  
cundum Bernardum super Cantica erit tibi: vt  
sicut Apostoli hoc modo tracti omnia munda-  
na scilicet diuitias, parentes, & omnia alia reli-  
querunt, ita & tu in hoc perseverabis gradu, vt  
cor tuum illa suauitas occupet, & totum sibi a-  
more

more vniuersæ carnis ac carnalis illecebræ vendicet. Et breuiter homo cor suum debet extenderet in tali exercitio, in affectum, & amorem humanitatis Christi, ut omnis affectus suus, & appetitus ad dulcedinem humanitatis Christi transferatur. Et iste primus gradus contemplandi Christum est incipientium. Secundus modus contemplandi vitam & passionem Domini, est iam aliquantulum altior præcedenti, scilicet non solum circa humanitatem se exercere, sed ut dicit Bernardus in homine Christo Deum inuenire licet non Deum nudum, neq; nudum hominem: sed & Christum Deum pariter & hominem comprehendere, Christumq; ut Deum pariter & hominem diligere & adorare. Multum quidem fructum in exercitio confert circa vitam & passionem Christi Domini, si quoties legis vel cogitas Christum, hoc vel illud passum fuisse, vel fecisse, talem tibi de Christo conceptum poteris formare: ut tibi lucide Deum & hominem repræsentet, id est vnam personam significet, quæ simul est Deus & homo: ut quicquid legis vel cogitas Christum fecisse, siue in mortuis suscitandis, siue in miraculis faciendis, hominem fecisse Christum non dubites. Quicquid legis Christum sustinuisse, siue in manuum perforatione, seu in pedum conclauatione, Deum credas indubitanter sustulisse: & hoc propter personæ unitatem: in qua diuinitas & humanitas sine naturarum permixtione substitutur. Et hoc credit quilibet verus Christianus: sed quanto lucidius concipit deuotus, tanto in Christi vita passione & miraculis pinguior erit affectus.

affectus. Si Christum hominem cogitas, inde tibi dulcis affectus, & magna fiducia; quia homo mitissim⁹, benignissimus, nobilissimus, suauissimus, totus decorus, gratiosus & formosus. Inde tibi fiducia accedendi, adorandi, & facilior conceptus: nam facilior est nobis humanitatis notitia, vt pote menti impressa, quam Dei à mente remotissima. Sed si Christum Deum cogitas, inde tibi omnia verba, facta, miracula, gestus, magis apparent metuenda, horrenda, & admiranda. Et sic si vtrunque in Christo intelligis & concipis, magna tibi inde proueniet deuotio, amor, & fiducia; & rursum timor, & reuerentia.

Et iste secundus gradus contemplandi Christum est proficientium.

Tertius modus contemplandi vitam Domini, est iam per humanitatem Christi ad spiritualem affectum assurgere: & iam Christum Deum per speculum in ænigmate, mentalibus oculis intueri: & sic ex humanitate ad notitiam, & amorem diuinitatis peruenire. Et per huiusmodi mentis intuitum, & adhesionem & transformationem incipit quodammodo homo unus spiritus cum Deo fieri, & extra seipsum transgredi: & ipsam veritatem intueri: & ad unionem & adhesionem habilitari. Vnde Augustinus septimo libro Confessionum ait: Iam admonitus redire ad me ipsum, intraui ad intimam mea duc te: & potui, quoniam factus es adiutor meus: & vidi qualicunque oculo animæ meæ super eundem oculum animæ meæ, super mentem meam, lucem Domini incommutabilem, non hanc vulgarem, & conspicuam omni carnii: neque quasi ex

ex eodem genere, grandior erat, tanquam si ista multa multoque clarius claresceret, totumque occuparet magnitudine non illud illa erat, sed aliud valde ab ipsis. Qui nouit veritatem, nouit eam: & qui nouit eam, nouit aeternitatem: charitas nouit eam. O aeterna veritas, & vera charitas, & chara aeternitas: tu es Deus meus, tibi suspiro die ac nocte. Ecce iste est ultimus gradus contemplationis in hac peregrinatione, donec ascendamus ad essentialem Dei visionem, sed caueat hic bestia id est homo impurus, ne tangat montem hunc, neque adhuc appropiet, nam bestia qua*t*igerit montem, lapidabitur. Et iste tertius gradus contemplandi vitam Domini, est eorum, qui iam sunt exercitati & appropinquant perfectioni.

D E F I G V R I S, P R O P H E T I I S, E T  
Scripturis circa Christi Incarnationem.

CAPVT L.

**C**irca opus nostrae redēptionis versatur materia totius Scripturæ: & omnia in Scriptura contenta ad illud referuntur. Ipsum futurum Testamentum vetus pronunciat. Illud iam factum nouum clarissimū demonstrat. Cogita igitur quād multa in figuris, gestis, factis, oraculis, apparitionibus, per reges, prophetas, sacerdotes, ipsum opus pr̄cesserunt. & ex hoc intellige magnitudinem eius quod erigit gratitudinem. Traeta apud te vehemens desiderium Patrum præcedētum. Mirare tuam & multorum circa hoc opus tepiditatem, & ingratitudinem.

m

DE